
Skupština KJKP "Park" d.o.o. Sarajevo

Broj: P-3286-7/21
Sarajevo, 1.10.2021.

Na osnovu člana 234. tačka k), a u vezi sa članom 303. stav 1. Zakona o privrednim društvima ("Službene novine FBiH", broj 81/15), i člana 32. stav (11) Statuta KJKP „Park“ d.o.o. Sarajevo, broj: P-2802-3/21, od 31.8.2021., a u skladu sa Zaključkom Vlade Kantona Sarajevo, broj: 02-04-35846-16/21, od 30.9.2021., i Obavezujućim uputama Vlade Kantona Sarajevo, broj: 02-04-35846-16.1/21, od 30.9.2021., i Odluke broj: P-3286-2/21, od 1.10.2021., na 4. vanrednoj sjednici, održanoj u petak dana 1.10.2021.godine, Skupština KJKP "Park" d.o.o. Sarajevo donosi

PONIŠTAVA SE JAVNI KONKURS ZA IZBOR I IMENOVANJE ČLANOVA NADZORNOG ODBORA KJKP "PARK" d.o.o. Sarajevo

koji je objavljen dana 4.8.2021. godine u dnevnom listu "Oslobođenje" i u "Službene novine F BiH" broj 62, objavljen dana 6.8.2021. godine, te u tekstu kako slijedi raspisuje:
Javni konkurs za izbor i imenovanje članova Nadzornog odbora KJKP "Park" d.o.o. Sarajevo.

K O N K U R S ZA IZBOR I IMENOVANJE ČLANOVA NADZORNOG ODBORA KJKP "PARK" D.O.O. SARAJEVO

I Predmet javnog konkursa

Raspisuje se javni konkurs za izbor i imenovanje 3 (tri) člana Nadzornog odbora KJKP "Park" d.o.o. Sarajevo.

II Opis pozicije

Nadzorni odbor nadležan je da:

- nadzire poslovanje Preduzeća, usvaja poslovne strategije preduzeća i planove poslovanja;
- nadzire rad Uprave, te odobrava odluke strateškog karaktera;
- usvaja izvještaj Uprave o poslovanju po polugodišnjem i godišnjem obračunu s bilansom stanja i bilansom uspjeha i izvještajem revizije;

Tel. Centrala: +387 33 560 560;
Direktor: +387 33 560 570, 201-977;
Fax: +387 33 560 561; 201-977;
E-mail: info@park.ba;
www.park.ba

Općinski sud u Sarajevu
Broj sudskog registra UF/I-2558/05
Porezni broj: 01071306;
Matični broj: 20379383;
Matični registracioni broj: 1-566

NLB Banka 1322602019095668;
UniCredit bank d.d. 3386902212020028;
Turkish Ziraat bank Bosnia d.d. Sarajevo
1860001022085947

- podnosi Skupštini godišnji izvještaj o poslovanju Preduzeća s finansijskim izvještajima, koji obavezno uključuje: izvještaj eksternog revizora, preporuku Odbora za reviziju po finansijskim izvještajima, izvještaj o radu Nadzornog odbora i Odbora za reviziju;
- predlaže Skupštini Preduzeća trogodišnji i godišnji plan poslovanja;
- bira predsjednika Nadzornog odbora;
- bira Upravu;
- vrši izbor kandidata Odbora za reviziju i podnosi prijedlog za njihovo imenovanje Skupštini Preduzeća;
- daje mišljenje o prijedlogu Uprave o raspodjeli dobiti i načinu pokrića gubitka;
- odobrava kupovinu, prodaju, zamjenu, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine društva po bilansu stanja na kraju prethodne godine;
- predlaže Skupštini Preduzeća kupovinu, prodaju, zamjenu, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti ukupne imovine društva po bilansu stanja na kraju prethodne godine;
- predlaže izmjene i dopune Statuta;
- donosi poslovnik o radu Nadzornog odbora;
- donosi opće akte;
- daje ovlaštenja za aktivnosti koje su ograničene odredbama Zakona o javnim preduzećima;
- daje upute direktoru za provođenje preporuka u vezi s uočenim nepravilnostima;
- nadzire rad direktora u provođenju preporuka datih od strane Odbora za reviziju, te vanjskog revizora sa specificiranim rokovima;
- prati poslovanje i zakonitost poslovanja Preduzeća;
- daje upute organima Preduzeća radi otklanjanja nepravilnosti u radu;
- prisustvuje sjednicama Skupštine Preduzeća i učestvuje u raspravi bez prava glasa;
- vrši uvid u poslovne knjige i dokumentaciju Preduzeća;
- informiše se o radu Odbora za reviziju kroz njegove izvještaje o mjesečnim sastancima;
- obrazuje povremene komisije i utvrđuje njihov sastav i zadatke;
- saziva Skupštinu Preduzeća;
- odlučuje po prigovorima kandidata na odluku – obavijest o prijemu u radni odnos
- vrši druge poslove predviđene zakonom.

III Mandat

Članovi Nadzornog odbora imenuju se na period od 4 (četiri) godine, s tim da po isteku perioda od 2 (dvije) godine, Skupština Preduzeća glasa o povjerenju članovima Nadzornog odbora.

Predsjednik i članovi Nadzornog odbora nakon imenovanja s Preduzećem zaključuju ugovor koji odobrava Skupština Preduzeća.

Članovi Nadzornog odbora imaju pravo na naknadu za rad u Nadzornom odboru u skladu sa zakonom.

IV Uslovi za pozicije

Kandidati za imenovanje za članove Nadzornog odbora moraju ispunjavati opće i posebne uslove:

a) Opći uslovi:

Za članove Nadzornog odbora mogu biti imenovani kandidati koji ispunjavaju sljedeće opće uslove:

- 1) da je državljanin Bosne i Hercegovine (dokaz: uvjerenje o državljanstvu ne starije od 6 mjeseci ili ovjerena kopija istog);
- 2) da je stariji od 18 godina (dokaz: izvod iz matične knjige rođenih ili ovjerena kopija CIPS –ove lične karte);
- 3) da nije osuđivan za krivično djelo i za privredni prestup nespojiv s dužnošću u Nadzornom odboru, pet godina od dana pravosnažne presude isključujući vrijeme zatvorske kazne prije dana objavljivanja upražnjene pozicije (dokaz: uvjerenje od nadležnog suda i MUP-a ne starije od 6 mjeseci);
- 4) da mu presudom suda nije zabranjeno obavljanje aktivnosti u nadležnosti Nadzornog odbora u koji se kandiduje (dokaz:uvjerenje od nadležnog suda ne starije od šest mjeseci);
- 5) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjenje pozicije (dokaz: potpisana izjava ovjerena od strane nadležnog općinskog organa ne starija od 6 mjeseci);
- 6) da nema privatni finansijski interes u preduzeću u čiji se Nadzorni odbor kandiduje (dokaz: potpisana izjava ovjerena od strane nadležnog općinskog organa ili od strane notara ne starija od 6 mjeseci);
- 7) da se na njega ne odnosi član IX 1 Ustava Bosne i Hercegovine (dokaz: potpisana izjava ovjerena od strane nadležnog općinskog organa ili od strane notara ne starija od 6 mjeseci);
- 8) da ne postoje druge zakonske smetnje za obavljanje funkcije u Nadzornom odboru (dokaz: potpisana izjava ovjerena od strane nadležnog općinskog organa ili notara ne starija od 6 mjeseci);
- 9) da nije predsjednik ili član Uprave ili Skupštine ili Odbora za reviziju u preduzeću u kojem se kandiduje, kao ni radnik preduzeća (dokaz: potpisana izjava ovjerena od strane nadležnog općinskog organa ili notara ne starija od 6 mjeseci).

b) Posebni uslovi:

- 1) da ima univerzitetsku diplomu - VII stepen školske spreme odnosno visoko obrazovanje prvog ili drugog ciklusa Bolonjskog sistema studiranja sa ostvarenih 180, 240,300 ECTS bodova (dokaz: ovjerena kopija univerzitetske diplome ili uvjerenja o diplomiranju);
- 2) da ima najmanje 5 godina radnog iskustva nakon sticanja univerzitetske diplome odnosno visokog obrazovanja (dokaz potvrda ili uvjerenje o radnom iskustvu iz kojeg se jasno može vodjeti da je kandidat radio na poslovima za koje se traži visoka stručna sprema odnosno visoko obrazovanje)
- 3) da nije predsjednik ili član nadzornog ili upravnog odbora u drugom preduzeću s većinskim državnim kapitalom ili instituciji (dokaz: potpisana izjava ovjerena od strane nadležnog općinskog organa ili od strane notara ne starija od 6 mjeseci);
- 4) da posjeduje znanja i sposobnosti razumijevanja poslovnih izvještaja i propisa iz oblasti komunalnih djelatnosti;
- 5) da je prošao odgovarajuće usavršavanje u skladu sa Zakonom o privrednim društvima („Službene novine Federacije BiH“, broj 81/15) i Uredbom o usavršavanju predsjednika i članova nadzornog odbora i uprava privrednih društava s učešćem državnog kapitala, iz nadležnosti Kantona Sarajevo („Službene novine Kantona Sarajevo“, broj 34/19) odnosno da preuzima obavezu da usavršavanje obavi u roku predviđenom Uredbom (dokaz: original ili ovjerena kopija Certifikata o završenom usavršavanju izdata od strane nadležnog organa komore ili izjava potpisana i ovjerena od strane nadležnog općinskog

organa ili notara kojom kandidat izjavljuje da preuzima obavezu da obavi usavršavanje u roku od jedne godine od dana imenovanja).

Kandidat koji posjeduje certifikat izdat od ovlaštenog organa bilo kojeg nivoa vlasti u Bosni i Hercegovini izuzet je od obaveze usavršavanja.

6) da ima pozitivne rezultate u radu ostvarene tokom radnog angažmana (dokaz : preporuka poslodavca ili posljednja ocjena poslodavca o rezultatima rada original ili ovjerena kopija)

Prilikom izbora uzet će se u obzir priznanja i rezultati koje je kandidat do sada stekao te će se voditi računa o spolnoj i nacionalnoj strukturi kandidata.

Kandidati su dužni uz prijavu koja sadrži kraću biografiju, adresu i kontakt telefon, priložiti originalne dokumente ili ovjerene fotokopije naprijed navedenih dokumenata koje ne mogu biti starije od 6 (šest) mjeseci.

Komisija za provođenje konkursa za izbor i imenovanje članova Nadzornog odbora će nakon zaključenog konkursa pregledati sve prispjele prijave i utvrditi da li su prijave blagovremene i s potpunom dokumentacijom. Nepotpune i neblagovremene prijave komisija neće razmatrati. Komisija će razmotriti sve potpune i blagovremene prijave i sačiniti listu kandidata koji su ušli u uži izbor. Komisija će kandidate koji budu stavljeni na listu za izbor pozvati na intervju. Pozvani kandidati koji ne pristupe na zakazani intervju smatrat će se da su odustali od daljeg učešća na konkursu

Nakon obavljenog intervjuja Komisija će Skupštini Preduzeća dostaviti zapisnik i listu kandidata koji su najuspješnije prošli otvorenu konkurenciju. Izbor i imenovanje vrši Skupština Preduzeća.

Komisija zadržava pravo provjere svih podataka, izjava i drugih dokumenata kandidata.

Konkurs za podnošenje prijave ostaje otvoren 15 (petnaest) dana od dana objavljivanja u „Službenim novinama FBiH“, a isti će se objaviti i u dnevnom listu „Oslobođenje“ i na web stranici KJKP “Park“ d.o.o. Sarajevo.

Prijavu s traženom dokumentacijom dostaviti lično ili preporučenom poštom na adresu: **KJKP "Park" d.o.o. Sarajevo, ul. Patriotske lige broj 58, s naznakom PRIJAVA NA KONKURS ZA IZBOR ČLANOVA NADZORNOG ODBORA – NE OTVARATI –**

Na poleđini koverta naznačiti ime i prezime podnosioca prijave.

Napomena: kandidatima se vraćaju samo originalni dokumenti.